



**Broj: 09 - 34- 269 -1/16  
Sarajevo, 23.02.2016.godine**

Na osnovu člana 32. Zakona o reviziji institucija u Federaciji Bosne i Hercegovine («Službene novine Federacije BiH», br. 22/06) i člana 4. Pravilnika o radu Ureda za reviziju institucija u Federaciji Bosne i Hercegovine, generalni revizor i zamjenik generalnog revizora raspisuju

**KONKURS  
za popunu upražnjenih radnih mjesta u Uredu za reviziju institucija  
u Federaciji Bosne i Hercegovine**

**I POZICIJE ZA KOJE SE RASPISUJE KONKURS**

**1. REVIZOR ZA FINANSIJSKU REVIZIJU – 1 (jedan) izvršilac na neodređeno vrijeme**

Opis poslova:

Za svoj rad odgovara rukovodiocu Sektora za finansijsku reviziju; obavlja reviziju finansijskih izvještaja u skladu sa Zakonom o reviziji institucija u Federaciji Bosne i Hercegovine («Službene novine Federacije BiH», br.22/06), ISSAI, IFAC revizijskim standardima, usvojenim planom revizije i utvrđenim procedurama. Može biti vođa tima ili član tima; kao vođa ili kao član tima odgovara za kvalitet revizije; kao vođa tima, zajedno sa članom tima na početku godine, sačinjava strateške dokumente za provođenje revizije (analizu operacija, strateški memorandum i plan revizije) i iste dostavlja rukovodiocu sektora na razmatranje i usvajanje; ukoliko nastupe okolnosti zbog kojih se mora mijenjati usvojeni plan revizije, o istom obavještava rukovodioca sektora; sa članom tima u skladu sa usvojenom metodologijom nakon obavljene revizije sastavlja nacrt izvještaja o obavljenoj reviziji; nakon konsultacija sa rukovodiocem sektora o glavnim nalazima, nacrt izvještaja dostavlja revidiranoj instituciji na komentar; po dostavljenim komentarima revidirane institucije iste razmatra sa višim revizorom i zajedno zaključuju sa rukovodiocem sektora komentar konačnog izvještaja, koji se dostavlja revidiranom subjektu; te obavlja i druge poslove po posebnom nalogu generalnog revizora i zamjenika generalnog revizora i neposredno pretpostavljenog zaposlenika.

**2. MLADI REVIZOR ZA FINANSIJSKU REVIZIJU - 1 (jedan) izvršilac na neodređeno vrijeme**

Opis poslova:

Za svoj rad odgovara rukovodiocu Sektora za finansijsku reviziju institucija u Federaciji Bosne i Hercegovine; obavlja reviziju finansijskih izvještaja u skladu sa Zakonom o reviziji institucija u Federaciji Bosne i Hercegovine, ISSAI, IFAC revizijskim standardima, usvojenim planom revizije i utvrđenim procedurama; kao član tima odgovara za kvalitet revizije; pregleda, analizira finansijske izvještaje klijenata i druge finansijske informacije koje pripremljene dostavlja vođi tima; ocjenjuje usklađenost finansijskih izvještaja u skladu sa računovodstvenim standardima; obavlja dalju analitičku i finansijsku obradu prikupljene dokumentacije u okviru propisane metodologije; prikuplja, sređuje, evidentira i kontrolira dobivene podatke i druge evidencije o revidiranom klijentu; vrši procjenu rizičnih pozicija bilansa iz finansijskih izvještaja, koju daje na razmatranje i usvajanje vođi tima u cilju sačinjavanja strateških dokumenata revizije (analize operacije, strateškog memoranduma i detaljnog plana revizije); obavlja reviziju zajedno sa vođom tima u dijelu pregleda finansijskih i računovodstvenih informacija i izvještaja revidiranih klijenata; zajedno sa vođom tima sačinjava nacrt izvještaja o obavljenoj reviziji koji se dostavlja višem revizoru na daljnju proceduru; te obavlja i druge

poslove po posebnom nalogu generalnog revizora i zamjenika generalnog revizora i neposredno pretpostavljenog zaposlenika.

### **3. POMOĆNIK U FINANSIJSKOJ REVIZIJI - 1 (jedan) izvršilac na neodređeno vrijeme**

Opis poslova:

Obavlja poslove i radne zadatke po nalogu vođe revizijskog tima i za svoj rad odgovoran je rukovodiocu Sektora za finansijsku reviziju institucija u Federaciji Bosne i Hercegovine, te obavlja i druge poslove po posebnom nalogu generalnog revizora i zamjenika generalnog revizora i neposredno pretpostavljenog zaposlenika.

### **4. REFERENT ZA OBRAČUN PLAĆE I BLAGAJNIČKO POSLOVANJE - 1 (jedan) izvršilac na neodređeno vrijeme**

Opis poslova:

Za svoj rad odgovara rukovodiocu Odjeljenja za finansijsko-računovodstvene poslove; vrši prijem i kontrolu dokumentacije na bazi koje priprema i unosi podatke na obrazasce za obračun plaće, kao i drugih primanja koje nemaju karakter plaće; vrši obračun i kontrolu obračuna plaće i drugih materijalnih primanja koja nemaju karakter plaće; priprema podatke u vezi sa zahtjevima radnika za ostvarivanje prava iz osnova plaća, kao i za druge potrebe; sačinjava i dostavlja pojedinačne zakonske izvještaje uposlenicima Ureda za reviziju kao izvještaje nadležnim organima i institucijama u vezi sa plaćama; sačinjava zahtjeve za refundaciju bolovanja preko četrdestdva dana; prati i kontrolše povrat istih; vodi blagajničko poslovanje Ureda za reviziju i vrši uplate i isplate gotovine iz blagajne na osnovu uredno likvidiranih knjigovodstvenih dokumenata; vrši podizanje gotovine u banci putem čeka; putem blagajne obavlja transakcije koje se odnose na: isplate i povrat akontacije za službeni put, isplate po obračunu putnih naloga za služužbeni put, vrši i druge vrste isplate do propisanih iznosa; redovno zaključuje blagajnički dnevnik; vodi pomoćne evidencije sitnog inventara u upotrebi; obavlja i druge poslove po posebnom nalogu generalnog revizora i zamjenika generalnog revizora i neposredno pretpostavljenog zaposlenika.

## **II ZAJEDNIČKO ZA SVA RADNA MJESTA**

Kandidati treba da ispunjavaju opće uslove predviđene članom 33. Zakona o reviziji institucija u Federaciji Bosne i Hercegovine («Službene novine Federacije BiH», br.22/06) i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;
- d. da je zdravstveno sposoban;
- e. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje;
- f. da se protiv njega ne vodi krivični postupak, niti da je pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju, u skladu sa Krivičnim zakonom;
- g. da nije obuhvaćen odredbama člana IX.1. Ustava Bosne i Hercegovine.

## **III POSEBNI USLOVI ZA POJEDINA RADNA MJESTA**

Pored općih uslova kandidati moraju ispunjavati i posebne uslove predviđene Pravilnikom o unutrašnjoj organizaciji i sistematizaciji radnih mjesta u Uredu za reviziju institucija u Federaciji Bosne i Hercegovine i to:

**Za poziciju 1.**( Revizor za finansijsku reviziju), kandidat treba da ima :

- a) visoku stručnu spremu - VII stepen, završen ekonomski fakultet ili završeni studij ekonomskog fakulteta koji je vrednovan sa najmanje 240 ECTS bodova;
- b) sertifikat ovlaštenog revizora;

c) najmanje pet godina radnog iskustva na poslovima finansijske revizije,

**Za poziciju 2.** (Mlađi revizor za finansijsku reviziju), kandidat treba da ima :

- a) visoku stručnu spremu - VII stepen, završen ekonomski fakultet ili završeni studij ekonomskog fakulteta koji je vrednovan sa najmanje 240 ECTS bodova;
- b) zvanje certificiranog računovođe ;
- c) tri godine radnog iskustva, od čega dvije godine na poslovima revizije ili finansijsko računovodstvenim poslovima.

**Za poziciju 3.** (Pomoćnik u finansijskoj reviziji), kandidat treba da ima :

- a) visoku stručnu spremu - VII stepen, završen ekonomski fakultet ili završeni studij ekonomskog fakulteta koji je vrednovan sa najmanje 240 ECTS bodova;
- b) jednu godinu radnog iskustva na poslovima revizije ili finansijsko – računovodstvenim poslovima.

**Za poziciju 4.** (Referent za obračun plaće i blagajničko poslovanje), kandidat treba da ima :

- a) SSS - IV stepen, završena srednja ekonomska škola;
- b) dvije godine radnog iskustva na poslovima obračuna plaće i blagajničkim poslovima ili na računovodstveno – knjigovodstvenim poslovima.

#### IV POTREBNI DOKUMENTI

Kandidati su dužni priložiti orginale ili ovjerene fotokopije slijedećih dokumenata:

1. popunjen prijavni obrazac Ureda za reviziju institucija u FBiH koji se može dobiti u prostorijama Ureda za reviziju institucija u FBiH ili na web-stranici Ureda za reviziju institucija u Federaciji BiH, vrifbih@vrifbih.ba,
2. uvjerenje o državljanstvu BiH (ne starije od šest mjeseci),
3. izvod iz matične knjige rođenih,
4. uvjerenje o zdravstvenoj sposobnosti (ljekarsko uvjerenje o zdravstvenoj sposobnosti dostavljaju samo kandidati koji budu odlukom generalnog revizora i zamjenika generalnog revizora izabrani. Izabrani kandidati uvjerenje o zdravstvenoj sposobnosti dostavljaju po okončanju konkursne procedure, a prije stupanja na rad),
5. uvjerenje da se protiv kandidata ne vodi krivični postupak (ne starije od tri mjeseca),
6. uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova,
7. izjava kandidata da nije obuhvaćen odredbama člana IX.1. Ustava Bosne i Hercegovine, ovjerena od strane nadležnog općinskog organa,
8. izjava kandidata da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje, ovjerena od strane nadležnog općinskog organa,
9. za pozicije 1), 2) i 3) diplomu o završenom studiju na ekonomskom fakultetu, a za poziciju 4) diplomu o završenoj ekonomskoj školi - SSS IV stepen,
10. za poziciju 1) certifikat za zvanje ovlašteni revizor, a za poziciju 2. certifikat za zvanje certificirani računovođa,
11. potvrdu o traženom radnom iskustvu.  
Napomena vezano za tačku 11 - potvrda o radnom iskustvu:
  - za poziciju 1. potvrda o radnom iskustvu podrazumijeva radno iskustvo stečeno na poslovima finansijske revizije. Potvrda treba da sadrži opis i vrstu poslova koji su obavljani u finansijskoj reviziji u periodu od pet godina.
  - za poziciju 2. potvrda o radnom iskustvu podrazumijeva radno iskustvo u struci od tri godine, od čega dvije godine na poslovima finansijske revizije ili finansijsko – računovodstvenim poslovima. Potvrda treba da sadrži opis i vrstu poslova koji su obavljani u finansijskoj reviziji ili finansijsko računovodstvenim poslovima i u kojem periodu.

- za poziciju 3. potvrda o radnom iskustvu u struci u trajanju od 1 godine na poslovima revizije ili finansijsko – računovodstvenim poslovima.
- za poziciju 4. potvrda o radnom iskustvu u struci u trajanju od 2 godine na poslovima obračuna plaće i blagajničkim poslovima ili na računovodstveno – knjigovodstvenim poslovima.

## V NAPOMENE

Komisija za izbor će razmotriti sve blagovremeno prispjele prijave i utvrditi listu kandidata koji ispunjavaju formalne uslove (opće i posebne) koji su navedeni u Konkursu. Nakon toga, Komisija će sačiniti listu kandidata koji su obavezni, pred Komisijom za izbor, pristupiti provjeri znanja. Nakon provedene provjere znanja, Komisija će generalnom revizoru i zamjeniku generalnog revizora Ureda za reviziju, dostaviti rang-listu uspješnih kandidata, počev od kandidata koji je dobio najveću ocjenu na provjeri znanja, nakon čega će generalni revizor i zamjenik generalnog revizora Ureda za reviziju, donijeti odluku o izboru kandidata.

Konkurs se objavljuje u dnevnim novinama "Oslobođenje" i „Večernji list“ te na web stranici Ureda za reviziju institucija u Federaciji BiH, [vrifbih@vrifbih.ba](mailto:vrifbih@vrifbih.ba).

Prijavu na ovaj Konkurs, sa svim potrebnim dokumentima dostaviti najkasnije u roku od 30 dana, od dana posljednje objave ovog Konkursa, lično ili preporučenom poštom, na adresu:

**„Ured za reviziju institucija u Federaciji Bosne i Hercegovine“**  
**Ulica Ložionička 3,**  
**71000 Sarajevo**

Na koverti sa prijavom obavezno naznačiti:

„Prijava na Konkurs - ne otvarati“.

Na poleđini koverte navesti ime i prezime podnosioca, adresu i kontakt telefon.

Nepotpune, neuredne i neblagovremene prijave neće se razmatrati.

U skladu sa Zakonom o reviziji institucija u FBiH, Ured za reviziju nema obavezu vraćanja zaprimljenih prijava na Konkurs.